

《中國地方藝文薈萃》編輯會 編

華英書局出版

中國地方藝文薈萃

中國地方藝文薈萃  
第一輯

中南卷·第一輯  
拾

中國地方藝文薈萃

《中國地方藝文薈萃》編委會 編

貴州師範學院內部使用



湖南女士詩鈔所見初集十二卷（三）

貴州师范学院内部使用

湖南女士詩鈔所見初集十二卷（三）

（清）毛國姬編

據清道光十四年（一八三四）刻本影印

湖南女士詩詞士卷

戴珊

黃琬璠

王瑞

雷玉映

唐婉珠

吳小雲

史韞卿



湖南女士詞鈔所見初集卷之十二

鄞縣沈栗仲先生閱

長沙毛國姬素蘭女史編

同懷弟國翰青垣氏同校

戴珊

摸魚兒

憶尊

怪無端菰蒲夢醒吟來倚遍庭竹遙知楚尾吳頭處半股  
寶釵凝綠寒烟觸伴荇帶菱腰翠黛濃堪掬舊遊莫續望  
秋水盈盈故園渺渺愁對短籬菊名千里不比浮萍露  
宿高人去也誰屬西風歲歲偏羈旅算祇夢魂無束歸心  
速恰明月三更來往橫塘曲飽嘗未足是素手親調和鹽

點豉更伴鱸腮玉

按鱸字當用仄聲

桂枝香

憶舊

舊遊如昨記夜渡吳江秋潮初落多少葦蕭截水蘆汀郭  
索老饕喜得青筐滿炙金膏烹調鹽酪香橙乍剖新芻同  
薦尊鱸味薄想當日持螯咀嚼更犀箸同餐蟻杯頻酌  
翻笑文君不食被他狂惑而今空憶家鄉好便虻蜚近來  
踈濶何時歸去一尊魚笻五湖重泊

鶯啼序

讀張紫峴師南漢宮詞

聽談海邦舊事儘銷殘蠟炬憶劉漢蠻觸爭雄絡海包山  
爲府半塘上珠鞍鴉髻素馨取次開花塢宴紅雲溪漲離

枝分酣仙乳 學士金箋侍中素腕寫胭胭艷簿芳華苑  
醉擁妖鬟候牕愁煞宮女鬥花晨銀輪彩燕開水嬉帆搖  
鼉鼓嘆邊隅烟月作坊癡憨如許 蓬萊宮闕裝點風流  
鶯花豈有主便坐斥唐家刺史自把蕭閒大夫驕署車燒  
沉水溝流珠琲從來角縱何嘗睹六尙書爭上呼鸞路紅  
巾裏汗雌鳳笑逐迷雀墜釵落鈿無數 降車一出十二  
金人泣冷風宿露祇一夜水田浮到曼壽蟲沙曜石飄殘  
媚猪黄土千年侈艷而今何在摸魚歌起空蟹戶有多情  
仙吏才如虎輕衫來往臺岡快掃瑤箋自揮玉塵

黃花耘云按揚升菴所填句畧不  
同蓋後人句讀錯誤沿訛已久也

滿庭芳

題斬江劉烈女傳後

集鳳清門御龍望族嬌娃隨宦閩天逆氛近起蹂躪劇堪  
憐笑學男兒報國投白刃血染花鈿淒涼絕香魂萬里  
腸斷斬江邊詩篇傳烈事元公表節

聖主昭賢有朱旗映日琳宇籠煙贏得巫簫社鼓鯨波島  
歲歲啼鵑歌代哭荒詞半闕和淚寫苔牋

鳳凰臺上憶吹簫

題黃心莽先生雪美人圖並寓悼忘意

雪裏黏身幻中團色由他捏素堆銀縱巧裝迴雪怎賦行  
雲耐著寒闈幾日漸消瘦軟玉誰溫非耶是隔牕遙望似  
李夫人真真者番去也隨流水難追立化冰魂祇梅花

仍舊愁落香茵便認崔徽風貌綃一尺怎寫精神泡和影  
牟尼座前說與緣因

東風第一枝

題朱淵東先生墨蘭手卷

淡吐心葩濃含意萼數枝墨影披偃疑從幽畹移恍向迴  
溪初見紫莖丹葩掃盡了俗粉癡鉛光絢雜之蕭艾彌清  
珮以玲瓏更幻 記當年湘浦停舟飄何處空香一綫似  
靈妃鼓瑟聲中翩而下明蛾修鬢迷濛烟水忽飛入幽室  
明牕橫卷儼然姑射仙姿應作騷人清玩

張紫峴云放筆寫去極得空靈此姜白石法

積雪滿羣山

雪後同硯峯夫子作

萬里雲霾連宵風惡釀成幾日春寒纔看浙瀝俄驚飄瞥  
鋪來玉砌瓊欄儘飛鹽撒屑便黏地瑤花未殘珠簾掩映  
銀房壓疊天畔失烟鬟 還憶當年兒女態喚弱奴癡婢  
盛碗堆盤青鐙焰襯紅鑪火活烹來好試龍團趁良宵玩  
賞共拈韻揮箋染 翰來朝霽否同君載酒江上看

玉女搖仙佩

題浣香女史  
畫蘭便面

幽中幻色閒外傳香不記空濛何地誰把仙姿描來紈扇  
淺萼纖苞隨意疑是仙妃佩被春風吹落水雲無際便飛  
作墨痕數點仍疑是濃烟淡雨而已休言太離披野服蓬  
頭都增嫵媚 說與黃磁作斗文石爲峯未及者般安置

休貯錦囊微揜鸞袖領取一番風致展向粧臺側問九畹  
叢中開未論品格蘇姬慧性孟光賢操相看無二才人配  
詩成應寫芳字

鳳池吟

題鄧南陵先生多識草

爾雅蟲魚楚騷蘭芷漫比點鬼搜神有天然名號花稱姊  
妹位列君臣拂拭瑤函問誰辨帝女王孫多才標出雲山  
經用一一鮮新 摩挲古錦囊句費幾丸翠墨百管斑筠  
勝陸璣作疏黃筌染色部列班分浣露披吟衲琴珠琲盡  
奇珍慚輸翰遜謝姬柳絮天芬

綺羅香

喜得閩蘭數種用  
陳迦陵集中韻

木筆停書海棠慵睡怎禁東風狼藉正及蘭時思補小山  
亭榭藏遠徑渺渺難儔憐幽谷亭亭欲化恰芳隣叢桂招  
來團青擷翠也盈把 猗猗剛繞砌畔親與丹泥辟蠹黃  
磁補罅護篠澆泉不使遊絲紛惹欣入室臭味嘉賓早拂  
拭彩毫煤麝擘苔牋跨步陳髯續香雲雅話

沁園春

紫牡丹盛開硯峯夫子邀  
客讌賞用迦陵集中韻

昨夜天孫戲翦羅囊貽我錦筵怕風搖嫩萼朱欄低護煙  
凝芳葆翠縷斜褰綠密雲扶紫茸霞映日上蓬萊特地妍  
澆杯酒笑主因爾醉客爲誰顛 花前偶話當年問舊事  
柔情應黯然看夢家穠豔重栽月地雒陽佳麗未隔雲天

一捻痕消三章詞闋脈脈相親倍可憐煩卿檄邀姚黃歐  
碧莫放春還

買陂塘

益中海棠同  
硯峯夫子作

小唐花粉痕脂暈仙姿休惜香少踈簾微雨枝低亞慵態  
輸渠巧雙英好正綺席齊開宴集蘇君卯誰稱敏妙乍銀  
燭高籠金箋細寫吟債霎時了嬌如睡蠟蒂煙絲更梟  
助他絲管喧闐柯南一曲花前夢座上倚聲人老晴光早  
又紫燕偷窺絮語紗牕曉紅雲遍照莫謾說黃州纔逢勝  
友墨汁灑芳草

又疊前韻

半陰晴養花天氣勾留春色多少香雲重闌尋芳徑位置  
紫棉叢巧慵態好莫似杜蘭香又避東方卯含苞婉妙笑  
瑪瑙山茶珍珠海納開遍幾番了 闌干曲恰映簾波細  
裊休將紅杏爭鬧絲絲綰住韶光媚不遣雨催風老看須  
早拚付與詞人醉飲眠忘曉亭慚四照乞浮白花農吟箋  
漫尉同把錦箋草

惜春華

和硯峯夫子月  
下賞牡丹韻

滿院濃香料真如乍向瑤臺粧罷遍倚東風早見銀蟾斜  
挂素娥含笑問東皇誰把玉環偷嫁情猶戀魏紫姚黃凝  
脂裹麝 叉手巡簷下憶沉香舊事開元佳話料理金尊